

BH Telecom i Nokia Siemens Networks potpisali dva ugovora o isporuci opreme u vrijednosti od 2.852.276 KM

Novi ugovori BH Telecoma i Nokia Siemens Networks-a o isporuci opreme



BH Telecom i Nokia Siemens Networks su 14. decembra u Sarajevu potpisali dva nova ugovora o isporuci opreme u vrijednosti od 2.852.276 KM.



Ugovore su potpisali generalni direktor BH Telecoma, mr. Nedžad Rešidbegović i direktor Nokia Siemens Networks-a za Evropu, g. Giuseppe Donagemma.

Potpisani ugovori se odnose na isporuku opreme za proširenje softswitch-a NGN Faza II i nabavku hardverskih i softverskih alata za fiksnu telefoniju – NetManager.

„Ugovor o isporuci opreme za proširenje softswitch-a NGN Faza II je značajan jer se ovim završava izgradnja mreže koja omogućava kvalitetnu isporuku usluga nove generacije prema našim korisnicima“ rekao je generalni direktor BH Telecoma, mr. Nedžad Rešidbegović.

Ugovor o nabavci hardverskih i softverskih alata za fiksnu telefoniju – NetManager, koji je na otvorenom tenderu dobila kompanija Nokia Siemens Networks, usmjeren je na izgradnju platforme za nadzor i upravljanje greškama – Fault Management.

Prilikom potpisivanja ugovora, direktor Nokia Siemens Networks-a za Evropu, g. Giuseppe Donagemma, je istakao da novi ugovori s BH Telecomom, najznačajnijim telekomunikacijskim operatorom u Bosni i Hercegovini, potvrđuju dugogodišnje partnerstvo i saradnju na modernizaciji telekomunikacija Bosne i Hercegovine, te da je izgradnja kvalitetne mreže preduslov za pružanje atraktivnih usluga korisnicima.

